



Statuts da l'uniun cultura ballape rumantsch (CBR)

art. 1

Las denominaziuns da personas valan per omaduas schlattainas.

Egualitad da las schlattainas

art. 2

L'uniun cultura ballape rumantsch (CBR) è in'uniun cun sedia a Cuira tenor art. 60ss. dal Cudesch civil svizzer.

Num e sedia

art. 3

La CBR ha la finamira da promover la lingua rumantscha e la chapientscha per ils Rumantschs cun dar la pussaivladad als commembers da s'inscuntrar cun autras minoritads linguisticas e da sa mesirar cun talas en ina concorrenza sportiva. Ella pussibilitescha als commembers da sa participar en in turnus da 4 onns al turnier da ballape "Europeada" ch'è collià cun in barat cultural da las minoritads linguisticas participadas a quest turnier.

Ultra da quai promova ella la chapientscha interrumentscha tranter ils commembers.

Intent

art. 4

La CBR consista da:

- personas singulas che discurran u chapeschan rumantsch
- commembers d'onur

La contribuziun annuala per las singulas categorias vegn fixada da la radunanza generala.

Commembranza

art. 5

Ils organs da la CBR èn:

- la radunanza generala
- la suprastanza
- il revisurat

Organs

art. 6

La CBR vegn finanziada cun daners da sponsoring per garantir il manaschi annual. Ultra da quai tschertga la CBR sponsurs potents che pussibiliteschan la participaziun a l'Europeada.

Ella vegn sustegnida financialmain da la Lia Rumantscha (LR) e da la Giuventetgna Rumantscha (GiuRu).

La suprastanza regla quai en cunvegns separadas cun ils sponsurs.

Meds finansials

art. 7

La radunanza generala è l'organ suprem da la CBR. Ella vegn convocada almain ina giada l'onn. La suprastanza u 20 commembers pon pretender ina radunanza generala extraordinaria.

Radunanza generala

art. 8

La radunanza generala da la CBR ha lieu en il decurs da la primavaira. L'invit als commembers ha da succeder almain 15 dis avant la radunanza. Ils commembers vegnan envidads persunalmain.

Publicaziun

art. 9

La radunanza generala ha las suandantas incumbensas:

- fixar la strategia da l'uniun
- fixar il program d'activitad
- eleger il presidi e la suprastanza
- eleger il revisurat
- approvar il protocol
- approvar il rapport da gestiun ed il rendaquint
- nominar ils commembers d'onur e renconuscher merits spezial

Incumbensas e cumpetenzas da la radunanza generala

art. 10

Il temp d'uffizi munta a trais onns.

Temp d'uffizi

art. 11

La suprastanza da la CBR sa cumpona dad almain 3 commembers. Il president ed ils ulteriurs 2 commembers vegnan elegids da la radunanza generala. La suprastanza sa constituescha lura sezza.

Suprastanza

art. 12

La suprastanza è l'organ executiv. Ella exequescha sia lavur tenor ils statuts e tenor il program da lavur. Ella fixescha il preventiv en atgna cumpetenzas. Ella represchenta la CBR vers anora. Ella reparta la lavur en ressorts e po installar cumissiuns u surdar incaricas spezialas.

La suprastanza elegia il trenader e collavura stretgamain cun quel.

Incumbensas e cumpetenzas da la suprastanza

art. 13

La suprastanza vegn convocada dal parsura tenor basegn u sche trais commembers giavischan quai. Las decisiuns vegnan prendidas cun maiortad simpla.

Sesidas

art. 14

Il quint da gestiun vegn terminà cun la fin da l'onn chalendar. Ils revisurs controlleschan l'administraziun e revedan il quint. Els rapportan en scrit a la radunanza generala.

Revisurat

art. 15

10% dals commembers pon inoltrar en scrit in'iniziativa a la suprastanza. Quella sto vegnir tractandada a la proxima radunanza generala. Mintga commember po recurrer a la radunanza generala cunter ina decisiun da la suprastanza. L'iniziativa ed il recurs ston vegnir inoltrads almain trais mais avant la radunanza generala.

Iniziativa e recurs

art. 16

La CBR po vegnir dissolvida cun 2/3 da las vuschs dals preschents cun dretg da vuschar. En cas d'ina dissoluziun duai la facultad da l'uniun vegnir deponida durant 20 onns tar la LR.

Dissoluziun

Sche l'uniun renascha u sch'i vegn fundada ina nova uniun cun intents sumegliants, duai la facultad vegnir surdada a quella organisaziun. Cas cuntrari vegn la facultad repartida en parts egualas a la GiuRu ed a la LR.

art. 17

Vigur e revisiun

Quests statuts èn vegnids approvads a la radunanza da fundaziun da l'uniun cultura ballape rumantsch (CBR) dals 05-05-2013 a Cuir.

Per ina revisiun totala da quests statuts dovri la maioritad da 2/3 dals commembers cun dretg da vuschar.

Cuir, ils 05-05-2013

David Flepp
president

Flurin Bundi
suprastant

Marco Cavegn
suprastant